

Broj : 05-45-5-2232-2/25
 Sarajevo , 11.04.2025.godine

**PARLAMENT FEDERACIJE
 PREDSTAVNIČKI / ZASTUPNIČKI DOM**
 Pedsjedavajući/Predsjedatelj

**Hamdije Kreševljakovića br. 3.
 71 000 Sarajevo**

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primljeno:		14-04-2025	
Org. jed.	Priloga	Vrijednost	
05/1	- 02-	176 / 25	

PREDMET: *Odgovor na zastupničko pitanje koje je postavila zastupnica Adisa Kokić-Hinović - dostavlja se*

Veza: *Vaš Akt broj: 05/1-02-176/25 od 03.04.2025.godine*

Poštovani,

U vezi Vašeg Akta broj i datum gornji (zaprimljenog dana 08.04.2025.godine) odnosno zastupničkog pitanja, koje je zastupnica Adisa Kokić - Hinović postavila na 19.redovnoj sjednici Predstavničkog doma Parlamenta Federacije BiH održanoj 02.04.2025.godine, u prilogu ovog akta se dostavlja Odgovor na navedeno zastupničko pitanje.

S poštovanjem,

Priloga(1)

Dostaviti. 1 Naslovu

2. Vlada Federacije BiH
 Hamdije Čemerlića br.2
 71000 Sarajevo
 Tajnik Vlade C.O.

3. Federalno ministarstvo zdravstva C.O.
 4.a/a

Izv. prof. dr. sc. Vlatka Martinović, dr.med.





Broj :05-45-5-2232-1/25
Sarajevo , 11.04.2025.godine

ODGOVOR

**NA ZASTUPNIČKO PITANJE KOJU JE POSTAVILA ZASTUPNICA ADISA KOKIĆ-
HINOVIĆ**

Sarajevo, april 2024. godine

Adresa: Trg Heroja 14, Sarajevo
Telefon: +387 33 728 700
Fax: +387 33 655 856
E-mail: zavod@zsofbih.ba
Web: www.zsofbih.ba
JIB: 4200642000008

UNION BANKA Sarajevo

Depozitni račun, KM:	102 05 000 000 64018
Glavni transakcijski račun, KM:	102 05 000 000 70808
Transakcijski račun, KM:	102 05 000 000 88753
Transakcijski račun, KM:	102 05 000 000 26964
Transakcijski račun, EUR:	102 05 000 000 70808
IBAN CODE:	BA39 102 05 000 000 70808



Zastupnica Adisa Kokić - Hinović podnijela je na 19.redovnoj sjednici Predstavničkog doma Parlamenta Federacije BiH održanoj 02.04.2025.godine, zastupničko pitanje, sa obrazloženjem, koje glasi:

„Šta je resorno ministarstvo i Zavod poduzeo u pogledu nabavke glukometara i trakica za oboljelu djecu od dijabetesa tip1? Na koji način su se tretirale pristigle žalbe na javnu nabavku trakica i glukometara u prethodnoj godini i da li je navedeno u specifikaciji tendera za tekuću godinu pouzdanost i preciznost sistema? Da li je izabran dobavljač i ko je izabran u postupku javne nabavke?

Obrazloženje

Udruženje oboljelih od dijabetesa tip1 u Federaciji BiH od 2022.godine ukazuju na nepreciznost glukometara , te su kako navode , obavili niz sastanaka sa Vladom FBiH i resornim ministrom, ali kako navode , do sada nisu informisani šta se konkretno učinilo i na koji način će se zaštititi djeca od nepreciznih rezultata"

U vezi gore navedenog zastupničkog pitanja zastupnice Adise Kokić - Hinović daje se sljedeći:

ODGOVOR

I

Prije svega, a u vezi nadležnosti ovog Zavoda , vezano za nabavke lijekova i medicinskih sredstava te i traka i aparata za kontrolu dijabetesa koji se finansiraju sredstvima federalnog fonda solidarnosti, daju se slijedeće informacije.

Naime Zavod zdravstvenog osiguranja i reosiguranja Federacije BiH u okviru svojih nadležnosti , saglasno odredbama Odluke o utvrđivanju osnovnog paketa zdravstvenih prava ("Službene novine Federacije BiH", broj: 21/09), te odredbama Odluke o utvrđivanju prioriternih vertikalnih programa zdravstvene zaštite od interesa za Federaciju Bosne i Hercegovine i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH", br. 08/05 , 11/07 , 44/07 , 97a/07,33/08 i 52/08 – u daljem tekstu - Odluka o prioritetima) iz sredstava federalnog fonda solidarnosti, finansira prioritetne vertikalne programe zdravstvene zaštite od interesa za Federaciju Bosne i Hercegovine i prioritetne najsloženije oblike zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine.

Dalje se napominje da saglasno tački tački IX stav 2. pod 1. d. Odluke o utvrđivanju osnovnog paketa zdravstvenih prava („Službene novine Federacije BiH", broj: 21/09), osnovnim paketom zdravstvenih prava obezbjeđuje provođenje preventivnih programa i programa unapređenja zdravlja kod djece i drugih zdravstvenih usluga pa i nabavka traka i aparata za kontrolu dijabetesa, a koji se finansiraju sredstvima Federalnog fonda solidarnosti.

Takođe saglasno tački II pod f) i tački III stav 1.pod f) Odluke o prioritetima sredstvima federalnog fonda solidarnosti finansiraju se, između ostalog i programi unapređenja zdravlja kod djece te i nabavka traka i aparata za kontrolu dijabetesa.

Dakle u okviru tog programa, koji se finansira sredstvima Federalnog fonda solidarnosti ovaj Zavod vrši nabavku aparata za kontrolu dijabetesa u krvi (mjerjenje šećera u krvi) te traka/trakica za kontrolu dijabetesa u krvi (određivanje šećera u krvi) i to za

osigurane osobe do 18 godina života (za djecu do 15 godina života, kao i starije maloljetnike do 18 godina života), kod kojih je utvrđen dijabetes.

Na osnovu tačke XIII stav 3. Odluke o osnovnom paketu koju je donio Parlament Federacije BiH, postupak ugovaranja zdravstvenih usluga pa i naprijed navedenih traka i aparata za kontrolu dijabetesa, provodi se kroz postupak javnih nabavki saglasno odredbama Zakona o javnim nabavkama ("Službeni glasnik BiH", br. 39/14, 59/22 i 50/24) pri čemu je u provođenju postupaka javnih nabavki koja se finansiraju iz sredstava federalnog fonda solidarnosti pa i javne nabavke nabavka traka i aparata za kontrolu dijabetesa Federalni zavod, ugovorni organ.

II

U vezi navoda iz pitanja i obrazloženja predmetnog zastupničkog pitanja: „.... da li je navedeno u specifikaciji tendera za tekuću godinu pouzdanost i preciznost sistema " „... šta se konkretno učinilo i na koji način će se zaštititi djeca od nepreciznih rezultata... "; „.... Na koji način su se tretirale pristigle žalbe na javnu nabavku trakica i glukometara u prethodnoj godini", odnosno u vezi navoda koji se tiču kvaliteta predmetnih medicinskih sredstava i pitanja vezanih za žalbe, daje se sljedeće očitovanje.

U ranijim postupcima javnih nabavki traka i aparata za kontrolu dijabetesa (glukoze u krvi) napominje se da je jedan od uslova preciziran u tenderskim dokumentacijama predmetnih javnih nabavki taj da su predmetna medicinska sredstva upisana u Registar medicinskih sredstava Bosne i Hercegovine na osnovu potvrda/rješenja Agencije za lijekove i medicinska sredstva, a saglasno odredbama Zakona o lijekovima i medicinskim sredstvima ("Službeni glasnik BiH", broj:58/08) i odredbama Pravilnika o medicinskim sredstvima ("Službeni glasnik BiH", br.04/10 i 21/22) čime su se stekli ulovi za njihovo stavljanje u promet na tržištu Bosne i Hercegovine.

U vezi potvrde/rješenja Agencije za lijekove i medicinska sredstva Bosne i Hercegovine kojim je odobren upis navedenih medicinskih sredstava u registar medicinskih sredstava koji vodi Agencija za lijekove i medicinska sredstva Bosne i Hercegovine i koja se traži u tenderskim dokumentacijama, napominje se sljedeće. Navedenom potvrdom se utvrđuje da li medicinsko sredstvo ispunjava zahtjeve Zakona o opštoj sigurnosti proizvoda, Zakona o tehničkim uslovima za proizvode i ocjenjivanju usklađenosti, Zakona o lijekovima i medicinskim sredstvima kao i propisima donesenim na osnovu navedenih zakona. Osim navedenog treba naglasiti da iz odredbi Pravilnika o medicinskim sredstvima (član 68.), jasno proizilazi da za dobijanje potvrde/rješenja o upisu u registar medicinskih sredstava kod Agencije za lijekove i medicinska sredstva Bosne i Hercegovine, podnositelj zahtjeva mora Agenciji za lijekove i medicinska sredstva Bosne i Hercegovine, dostaviti svu dokumentaciju iz člana 68. Pravilnika, odnosno iz navedenih odredbi Pravilnika jasno se vidi da medicinsko sredstvo prilikom registracije mora zadovoljavati standarde EU tj. da mora biti usklađeno sa direktivama i propisima EU, odnosno isto se mora nalaziti u prometu u zemlji proizvođača ili u jednoj od zemalja EU. Predmetna medicinska sredstva su, kako smo ranije naveli registrovana medicinska sredstva, što znači da su ista zadovoljila uslove registracije u skladu sa članom 68. Pravilnika o medicinskim sredstvima, a kvalitet i sigurnost predmetnih medicinskih sredstava, u ovom slučaju aparata sa trakama za mjerenje glukoze u krvi za djecu utvrđuje isključivo Agencija za lijekove i medicinska sredstva BiH, u procesu registracije, te je jasno da dobijanje statusa registrovanog predmetnog medicinskog sredstva u isto vrijeme podrazumjeva ispunjavanje standarda EU u pogledu sigurnosti i kvaliteta.

U vezi sa odgovarajućim definisanjem predmeta nabavke u tenderskim dokumentacijama, napominjemo da se ovaj Zavod svojim Aktom broj:01/I-03-3-2612-11/20 od 24.09.2020.godine obratio Federalnom ministarstvu zdravlja, kao nadležnom za postupanje, saglasno članu 20. Zakona o organizaciji uprave u Federaciji BiH („Službene

novine Federacije BiH", broj 35/05), po kojem su organi uprave, pa i Federalno ministarstvo zdravstva, „ dužni da u poslovima iz svoje nadležnosti, pripremaju zakone i druge propise kada o tome odluči organ zakonodavne ili izvršne vlasti, odnosno kada samostalno ocijene da je potrebno donijeti zakon ili drugi propis ili treba izvršiti izmjene i dopune zakona ili drugog propisa iz oblasti za koju su nadležni..” Navedena Inicijativa se odnosila na prijedlog ovog Zavoda da se pristupi donošenju materijalnog propisa vezanog za nabavku traka i aparata za kontrolu dijabetesa koji se finansiraju sredstvima Federalnog fonda solidarnosti odnosno da se definiše minimum specifikacija/parametara vezano za kvalitet određivanja glukoze u krvi kod djece, a u slučaju potrebe i da se prethodno definiše u postojećoj regulativi i pravni osnov, odnosno da se donesu odgovarajuće dopune propisa koje se tiču pravnog osnova za donošenje navedenog materijalnog propisa. Sve prethodno navedeno, a što je navedeno i u Inicijativi, rezultiralo bi donošenjem odgovarajućeg materijalnog propisa u kojem bi, kao kod lijekova i potrošnog materijala za dijalizu, a u ovom slučaju kod traka i aparata za kontrolu dijabetesa, na odgovarajući način bili definisani aparati i trake za kontrolu dijabetesa, koji se trebaju nabavljati što bi bio osnov za njihovo definisanje i u tenderskim dokumentacijama kroz definisanje predmeta nabavke i tehničkih specifikacija istih. Federalno ministarstvo zdravstva je odgovorilo svojim Aktom broj: 01-33-1257/22 i svojim Aktom broj: 01-33-5317/20 u kojima je, između ostalog, navelo da „nema pravnog osnova niti u jednom zakonu u oblasti zdravstva za donošenje pravnog propisa, a u skladu sa Vašom inicijativom” odnosno da „nema zakonskog osnova za donošenje podzakonskog akta, kojim će se bliže urediti oblast nabavke traka i aparata za kontrolu dijabetesa”.

U vezi provođenja ranije javne nabavke aparata sa trakama za mjerenje glukoze u krvi za djecu napominjemo da se radi o okončanom postupku, a na osnovu kojeg je i zaključen ugovor o isporuci (postupak proveden saglasno pozitivnim propisima, načelima Zakona o javnim nabavkama te i načelu transparentnosti i izabran ponuđač nakon provođenja e-aukcije , Rješenjem Ureda za razmatranje žalbi broj: JN2-03-07-1-1482-8/22 od 01.07.2022.godine žalba je odbijena kao neosnovana, Presudom Suda Bosne i Hercegovine broj: S1-3-U-043255 22 U od 08.08.2024. odbijena je tužba u predmetnom postupku), a u vezi tehničke specifikacije treba naglasiti i to da se kod preciziranja iste, nastojalo da se obezbjedi adekvatna metode mjerenja glukoze i obezbjedi tačnost mjerenja pri čemu su se koristili rezultati Međunarodnog instituta za dijabetes koji su prihvaćeni i od AAED American Association of diabetes Educators). Naime izborom fotometrijske metode i GDH-FAD metode (biosenzorsku tehnologiju – metod glukoza dehidrogenaza flavin adenin dinukleotid) osigurana je tačnost rezultata mjerenja glukoze. Međunarodni institut za dijabetes (Institut für Diabetes-Technologie GmbH – IDT, J Diabetes Sci Technol, svezak br. 6, izdanje br. 5.) proveo je ispitivanje preciznosti 43 sistema za samokontrolu glukoze u krvi a u skladu normi DIN EN ISO 15197 sukladno njemačkom Zakonu o medicinskim uređajima. Najbolji rezultat u preciznosti postigao je upravo aparat za mjerenje glukoze u krvi koji koristi fotometrijsku metodu, a iza njega aparati sa GDH-FAD metodom <http://www.ncbi.nlm.nih.gov/pmc/articles/PMC3570840/> Ova studija je prihvaćena i od AAED American Association of diabetes Educators), www.diabeteseducator.org/.../aaede/. U provedenim postupcima javnih nabavki, tenderske dokumentacije, u tom dijelu su i potvrđene u postupcima po žalbi od strane Ureda za razmatranje žalbi.

Takođe napominjemo da je odredbama Pravilnika o medicinskim sredstvima kao i Pravilnika o praćenju neželjenih pojava vezanih za medicinska sredstva (materiovigilansa, vigilansa medicinskih sredstava) („Službeni glasnik BiH", broj: 58/12), Agencija za lijekove i medicinska sredstva BiH nadležna nad vigilancom medicinskih sredstava koji su upisani u Registar medicinskih sredstava Bosne i Hercegovine.

Na upit Zavoda zdravstvenog osiguranja svojim Aktom broj: 01/I-03-3-3643-3/22 od 20.03.2023.godine odnosno traženja informacija vezanih za mogućnost prometovanja predmetnim aparatima sa trakama za mjerenje glukoze u krvi za djecu, Agencija za lijekove i

medicinska sredstva je odgovorila svojim Aktom broj:10-02.3-6063-7/23 od 27.03.2023.godine u kojem je, između ostalog navela: „, u „Izveštaju o sigurnosnoj provjeri" dokazano da je „proizvedeno i distribuirano u skladu sa zahtjevima kvaliteta" te da Agencija za lijekove „nema zakonskog osnova da donosi mjere suspendovanja dozvole za promet".

Dakle iz gore navedenog proizilazi da se, kroz odgovarajuće definisanje tenderske dokumentacije, nabavkom registrovanih predmetnih medicinskih sredstava odnosno registrovanih aparata sa trakama za mjerenje glukoze u krvi za djecu te i odgovarajućom specifikacijom istih (korištenjem rezultata Međunarodnog instituta za dijabetes koji su prihvaćeni i od AAED American Association of diabetes Educators odnosno odnosno korištenjem fotometrijske metode i GDH-FAD metode (biosenzorske tehnologije – metod glukoza dehidrogenaza flavin adenin dinukleotid), obezbjedio propisani sigurnost i kvalitet istih.

Dakle na gore navedeni način je postupljeno kako u ranijoj javnoj nabavci tako i u javnoj nabavci koja je u toku (pokrenuta Obavještenjem o nabavci aparata i traka za kontrolu dijabetesa za djecu broj: 804-1-1-8-3-19/25 koje je objavljeno na Portalu javnih nabavki dana 20.02.2025. godine, a sažetak Obavještenja o nabavci broj: 804-1-1-8-3-19/25 objavljen u "Službenom glasniku BiH", broj: 12/25 od 28.02.2025. godine)

III

U vezi nabavke aparata sa trakama za mjerenje glukoze kao i navoda iz citiranog obrazloženja: „, te su kako navode , obavili niz sastanaka sa Vladom FBiH i resornim ministrom," napominje se i poznato je da je u Vladi Federacije BiH održan sastanak dana 23.05.2023. godine, na kojem su učestvovali premijer Federacije BiH, federalni ministar zdravlja, ravnateljica Agencije za lijekove i medicinska sredstva BiH, ravnateljica Zavoda zdravstvenog osiguranja i reosiguranja Federacije BiH, te predstavnici Udruga oboljelih od dijabetesa tip 1. i na istom su doneseni određeni zaključci koji se tiču, između ostalog i toga da se moraju urediti (izmjeniti, dopuniti i dr.) određeni propisi kako bi se predmetna procedura vezana za ova medicinska sredstva prebacila sa Zavoda zdravstvenog osiguranja i reosiguranja Federacije BiH na kantonalne/županijske zavode zdravstvenog osiguranja, što će omogućiti istim obezbjeđenje sredstava koja će se dalje ista doznacavati roditeljima za kupovinu aparata sa trakama za mjerenje glukoze u krvi za djecu.

U cilju realizacije zaključka sa ranije navedenog sastanka, Zavod zdravstvenog osiguranja i reosiguranja Federacije BiH je, uz svoj Akt broj:01/III-05-3-2516-2/23 od 31.05.2023. godine, odnosno u prilogu istog, Federalnom ministarstvu zdravlja dostavio tražene informacije vezane za nabavku aparata sa trakama za mjerenje glukoze u krvi za djecu, a isti je sadržavao i podatke o kojem broju djece se radi po kantonima/županijama i o kojem iznosu sredstava se radi kada je u pitanju finansiranje aparata i trakica za kontrolu šećera u krvi kod djece na godišnjem nivou. O navedenom je, pored Federalnog ministarstva zdravlja obavještena i Vlada Federacije BiH (Akt ovog Zavoda broj:01/I-03-3-2516-3/23 od 13.10.2023.godine te i putem e- maila od 08.08.2024. sa prilogom), te na njihov upit i Udruga oboljelih od dijabetesa tip 1. (Akt ovog Zavoda broj:01/I-03-3-3658-1/23 od 23.08.2023.godine).

Iz navedenog proizilazi da je saglasno zaključcima sa održanog sastanka, u dijelu istih koji se odnose na ovaj Zavod, odnosno njegove nadležnosti, ovaj Zavod odmah i promptno postupio te o istom i obavijestio gore navedene organe.

Poduzimanja ostalih radnji saglasno zaključcima sa ranije navedenog održanog sastanka nije bilo u nadležnosti ovog Zavoda nego drugih nadležnih organa tj. Federalnog ministarstva zdravlja i Vlade Federacije BiH i isti mogu dati detaljnije informacije u pogledu

predmetnog pitanja odnosno postupanja po zaključcima u dijelu koji se tiče njihovih nadležnosti.

S tim u vezi, a vezano za dio nadležnosti Federalnog ministarstva zdravlja i Vlade Federacije BiH koja se tiče realizacije zaključaka sa ranije navedenog sastanka, ovaj Zavod je uputio prema Federalnom ministarstvu zdravlja i svoj Akt broj: 01/I-03-3-3915-1/24 od 26.08.2024.godine te Urgenciju broj:01/I-03-3-3915-2/24 od 01.10.2024.godine, Urgenciju broj:01/I-03-3-3915-3/24 od 07.11.2024.godine, Urgenciju broj:01/I-03-3-3915-4/24 od 16.01.2024.godine, čije kopije su dostavljene i Vladi Federacije BiH u kojima je između ostalog navedeno da sve do postupanja, saglasno donesenim, predmetnim zaključcima, ovaj Zavod, po pozitivnim propisima, koji još uvijek nisu izmijenjeni, ostaje u obavezi da vrši nabavku medicinskih sredstava odnosno aparata sa trakama za mjerenje glukoze u krvi za djecu, a što je u Informaciji detaljno navedeno odnosno u istoj su navedeni propisi na osnovu kojih ovaj Zavod vrši nabavku aparata sa trakama za mjerenje glukoze u krvi, za djecu.

S tim u vezi navedenim aktima od 26.08.2024.godine i predmetnim urgencijama zamolili smo Federalno ministarstvo zdravlja da nas blagovremeno, odnosno u što kraćem roku, informiše u vezi njegovih poduzetih radnji saglasno zaključcima, jer će od dobijene informacije vezane za provođenje zaključaka i dobijenih daljih instrukcija zavisiti i dalje postupanje ovog Zavoda vezano za predmetno pitanje.

Dakle saglasno zaključcima sa održanog sastanka, u dijelu istih koji se odnose na ovaj Zavod, odnosno njegove nadležnosti, ovaj Zavod je odmah i promptno postupio (u roku od 7 dana) te o istom i obavijestio, gore navedene organe. Takođe ovaj Zavod je od nadležnih organa tj. Federalnog ministarstva zdravlja i Vlade Federacije BiH tražio, te u vezi navedenog i uputio više urgencija (četiri urgencije), da kada realizuju zaključke sa ranije navedenog sastanka, u dijelu iz svoje nadležnosti o tome obavijeste ovaj Zavod, a da bi isti mogao postupati saglasno navedenom.

Kako je u ovoj godini, odnosno 2025.godini, kako je i ranije navedeno u našem Aktu od 26.08.2024.godine, istekao period na koji je zaključen predmetni okvirni sporazum te istekao i zadnji predmetni pojedinačni ugovor koji je zaključen na osnovu okvirnog sporazuma za nabavku aparata i traka za mjerenje glukoze u krvi za djecu, kako od strane Federalnog ministarstva zdravlja i Vlade Federacije BiH nisu dobijene druge informacije odnosno da je od strane istih postupljeno saglasno ranije navedenim zaključcima po kojima bi se nadležnost za predmetnu nabavku „prebacila“ sa Zavoda zdravstvenog osiguranja i reosiguravanja Federacije BiH na kantonalne/zupanijske zavode zdravstvenog osiguranja, kako je donesen Finansijski plan fonda solidarnosti Federacije BiH, za 2025. godinu u kojem su predviđena sredstva za predmetnu javnu nabavku aparata i traka za mjerenje glukoze u krvi za djecu te je ista i uvrštena u Plan javnih javnih nabavki koje se finansiraju iz sredstava federalnog fonda solidarnosti i iz sredstava obezbjeđenih za rad stručne službe, za 2025. godinu, a preventivno iz razloga obezbjeđenja kontinuirane isporuke predmetnih medicinskih sredstava da ne bilo ugroženo zdravlje djece koja koriste navedena medicinska sredstva, Zavod je u obavezi da, saglasno ranije navedenim pozitivnim propisima, pokrene, te je i pokrenuo odnosno u toku je i provođenje nove javne nabavku aparata sa trakama za mjerenje glukoze u krvi za djecu. O tome da će se pokrenuti predmetni postupak javne nabavke su prethodno obavijestili Federalno ministarstvo zdravlja i Vlada Federacije BiH Aktom ovog Zavoda broj:01/I-03-3-3915-5/24 od 12.02.2025.godine.

U vezi pitanja „Da li je izabran dobavljač i ko je izabran u postupku javne nabavke?“ kao što je i ranije navedeno predmetna javna nabavka koja je pokrenuta Obavještenjem o nabavci aparata i traka za kontrolu dijabetesa za djecu broj: 804-I-1-8-3-19/25 koje je objavljeno na Portalu javnih nabavki dana 20.02.2025. godine, a sažetak Obavještenja o nabavci broj: 804-I-1-8-3-19/25 objavljen u „Službenom glasniku BiH“, broj: broj: 12/25 od 28.02.2025. godine, je u toku, odnosno

javno otvaranje ponuda je bilo dana 09.04.2025.godine.Saglasno odredbi člana 3.(Povjerljivost) stav (3)Zakona o javnim nabavkama „nakon javnog otvaranja ponuda nijedna informacija u vezi sa ispitivanjem , pojašnjenjem ili ocjenom ponuda ne smije se otkrivati ni jednom učesniku u postupku ili trećem licu prije nego što se odluka o rezultatu postupka ne saopći učesnicima o postupku". Kako „odluka o rezultatu postupka" još nije donesena te time nije mogla biti ni „saopštena učesnicima u postupku", saglasno citiranom članu Zakona o javnim nabavkama, tražene informacije se u ovom trenutku ne mogu dati/otkrivati.

U vezi navoda iz obrazloženja da „Udruženje oboljelih od dijabetesa tip1" u Federaciji BiH do sada nisu informisani šta se konkretno učinilo " očitujemo se kakao slijedi.

Što se tiče Zavoda zdravstvenog osiguranja i reosiguranja Federacije BiH odnosno informisanja od strane istog koje se tiče predmetnog pitanja odnosno nabavke aparata sa trakama za mjerenje glukoze u krvi za djecu, ovaj Zavod je u najkraćim rokovima, davao detaljne informacije odnosno obavještenja prema domovima zdravlja u Federaciji BiH u kojem se distribuiraju predmetna medicinska sredstva, Federalnom ministarstvo zdravstva, Vladi Federacije BiH ,nadležnim revizijama, ombudsmenima za ljudska prava, zastupnicima, udruženjima pacijenata te i UDRUŽENJU OBOLJELIH OD DIJABETESA TIPI1 ,a podrazumjeva se i prioritarno prema pacijentima odnosno roditeljima pacijenata koji koriste ova medicinska sredstva, kako direktnim odgovorima na upite tako i posredstvom navedenih domova zdravlja koji su dobijali ove informacije tako i zajedničkim saopštenjem ovog Zavoda i Agencije za lijekove i medicinska sredstva BiH koje je javno objavljeno .

Kao ilustraciju informisanja UDRUŽENJA OBOLJELIH OD DIJABETESA TIPI1 navodimo samo neka od akata koji su upućeni ovom udruženju u cilju njihovog informisanja i to: Akt ovog Zavoda broj:01/I-03-3-2640-1/22 od 19.07.2022.godine, Akt ovog Zavoda broj:01/I-03-3-4429-2/22 od 16.12.2022.godine, Akt ovog Zavoda broj:01/I-03-3-33658-1/23 od 23.08.2023.godine, Odgovor uz e-mail Zavoda od 30.04.2024.godine, Akt ovog Zavoda broj:01/I-VII-033-4607-1/24 od 03.10.2024.godine i Akt ovog Zavoda broj:01/I-03-3-6415-1/24 od 19.12.2024.godine

O svemu navedenom u evidencijama koje se vode kod ovog Zavoda postoji detaljna dokumentacija.

Sve gore navedeno ujedno daje, u dijelu koji se odnosi na ovaj Zavod, odgovor na pitanje : „Šta je resorno ministarstvo i Zavod poduzeo u pogledu nabavke glukometara i trakica za oboljelu djecu od dijabetesa tip1?".

IV

Ovaj Zavod ostaje, kao i do sada, na raspolaganju za davanje, a saglasno pozitivnim propisima i na Vaše traženje i drugih potrebnih informacija/mišljenja i sl. iz njegove nadležnosti rada,.

S poštovanjem,

Dostaviti 1.Naslovu

2. Vlada Federacije BiH
Hamdije Čemerlića br.2
71000 Sarajevo
Tajnik Vlade C.O

3.Federalno ministarstvo zdravstva C.O.
4.a/a

Izv. prof. dr. sc. Vlatka Martinović, dr.med.

